



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XII. Ad hæc.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

inquisitione, aut probatione non indigere, vti docent DD. in l. ea quidem, 7. C. de ac- culat.

CAPITVLVM XI.

Ad hæc.

S V M M A R I V M .

1. *Filiu etiam legitimus remouendus est à beneficio, quod parens immediatè ante posse dicit.*
2. *Nepos autem, viuo patre suo, succedere potest in eodem beneficio immediatè aucto suo.*

Filiij Clericorum, etiam legitimè nati, a- mouendi sunt ab Ecclesijs, quas patres eorum, nulla mediante persona, in tñrum, etiam per modum perpetuæ vicariæ, tenuerunt,

Ratio affertur in Trident. sess. 25. c. 7. de reform. Quia in beneficijs ecclesiasticis ea, quæ hæreditariæ successionis speciem præ se ferunt, sacris constitutionibus contraria sunt, vti videre est in c. Apostolica, 7. causa 8. q. 1. Necesse autem est, vt pater beneficij possessionem aſsecutus sit, tametsi forte nullos redditus perceperit, aut nunquam in Ecclesia ministrarit. Sin autem tantum titulum beneficij, non autem possessionem consecutus sit, quia statim renuntiavit, tum filius idem beneficium consequi potest; quia hoc casu pater quasi non cœſetur habuisse beneficium, quod nunquam tenuit seu appre- hendit, vti docet Garcias p. 7. c. 3. n. 55.

Sed quæſtio est: Vtrum nepos in eodem beneficio immedietè succedere possit aucto suo? Negat Gl. hic ver. filij. Sed melius distinguit Hostiensis in sum. huius tit. §. Qui filij, Innoc. in hoc c. Syl. ver. beneficium, 3. q. 6. Viuo patre suo succedere posse; eo mortuo non posse. Quia tunc in locum patris sui sub- intrans, aucto filij loco esse cœſetur, Instit. de hæredum qualit. §. sui autem. Quare tota ratio hæreditariæ successionis euitanda hic locum habet, vt dixi lib. 4. Th. mor. tr. 2. c. 14. n. 6.

Si Obijcias: In materia odiosa nomine filiorum non comprehendendi nepotes. Resp. Non versari nos in materia odiosa aut pœnali: siquidem filij legitimè nati non ob pœnam aliquam à paternis beneficijs arcen- tur; sed principaliter ob honorem Ecclesiarum, ne in ijs hæreditariæ successionis iura introducantur. Quare spectata principali intentione, constitutio hæc potius fauorabilis iudicari debet. Accedit, quod nepotes, post mortem patrum suorum, etiam filiorum nomine comprehendendi soleant, si de suc- ceſſione, aut quaſi ſucceſſione hæreditaria ſermo fit.

Corollarium. Neque nepos legitimè na- tus ex filio illegitimo Titij, post mortem patris, succedere potest in beneficio Titij cui sui: saltem si pater eius, quia legitimatus erat, ius ſuccedendi habuerat in bonis Ti- tij, quod ius in nepotem tranſit. Et ita ſen- tiunt huc Hostiensis. Innoc. & alij.

CAPITVLVM XII.

Ad hæc.

P A R A P H R A S I S .

Filius Episcopi, qui ex legitimo matrimo- nio ante patris ſacerdotium natus est, ad ſacros Ordines promoueri, & in ea etiam Cathedrali Ecclesia, cui pater eius præ- eft, aut præfuit, beneficium, v. g. præ- poſitoram, aut Canoniciatum consequi potest.

S V M M A R I V M .

Filius legitimè natus in eadem ecclesia, in qua pater beneficium habet, aliud quo- cunque conſequi potest.

NO T A N D V M I. Filius in eadem Ec- clesia, in qua pater beneficium habet, aliud quoctunque beneficium conſequi po- test. Idq; verum eft, tametsi beneficium filio collatum ſimile fit paterno, vt si filius Ca- nonicus ſiat in eadem Ecclesia, in qua pater

Z z z eius

eius Canonicatum habet. Ita contra quosdam Canonistas recte docet Rebussus in præxi tit. de dispens. super defectu natalium, n. 32. vbi ait, inauditum esse, ut filius legitimus petat dispensationem ad obtinendum beneficium in ecclesia, eo quod pater inibi etiam habeat. Nam in filiis Clericorum legitimis id solum cauetur, ne patribus in beneficio immediatè succedant. Si autem pater & filius simul beneficia, quamvis similia, obtineant, unus non succedit alteri, eo ipso quod veterque suū habet, & retinet. Accedit, quod successio necessario fiat in eodem beneficio; vbi autem duo beneficiati sunt, necesse etiam est duo beneficia, v. g. duos canoniciatus esse, argum. c. dilecto, 25. de præb. Ergo successioni locus non est.

NOTANDVM II. Post mortem patris beneficiati filius legitimus in eadem ecclesia beneficium consequi potest, dummodo non in eodem immediatè illi succedat. Ita Hostiensis hoc tit.

§. Qui filij.

Corollarium. Si Ecclesia Collegiata numerata non sit, id est, numerum Canonorum determinatum non habeat, tum post mortem patris Canonici, statim conferri potest Canoniciatus filio eius legitimo. Quia cum Canoniciatus in ecclesia non numerata morte Canonici vacare non censeatur, iuxta c. ex parte, 10. de concess. præb. & dixi lib. 4. Th. mor. tr. 2. c. 16. n. 5. ideo dici non potest, filium in eodem beneficio succedere patri. Ita notauit hic Anton. de Butrio.

CAPITVLVM XIII.

Michael.

PARAPHRASIS.

Presbyter quidam significauit Alexandro III. quod Rectoriam alicuius Ecclesiae canonice adeptus fuisset, quam ante ipsum Antonius possidebat. Sed Marcus filius legitimus Antonij afferebat, sibi eiusdem Ecclesiae Vicariam perpetuam competere. Ad id respondet Papa, si res

ita se habeat, vti narratur, Marco silencium perpetuum super ea Vicaria impendendum esse.

S V M M A R I V M.

1. Non potest filius esse Vicarius perpetuus ecclesiæ, cuius immediate parentes Rector fuit.
2. Pater, ad quem ratione alicuius personatus, ecclesia parochialis per incorporationem spectat, Vicarium ibi perpetuum instituere non potest legitimum filium suum.
3. Si Rector principalis ecclesiæ mortuus fit, & Vicaria etiam vacet; potest ea filio defuncti Rectoris conferri, si persona media intercessit.
4. Si pater in aliqua Ecclesiæ Vicariam intitulatus fuit, non potest immediatè post ipsum filius Vicariam consequi.

NO T A N D V M Vn. Filius legitimus non potest obtainere Vicariam perpetuam eius ecclesiæ, in qua pater eius Rector principalis, nulla persona mediante, existit. Ratio est, quam assignat Hostiensis hoc tit.

QÆR E S I. Potestne pater, ad quem ratione alicuius personatus, ecclesia parochialis per incorporationem spectat, Vicarium ibi constitutere legitimum filium suum? Respondeo; Posse constituere Vicarium temporale; non autem perpetuum, seu intitulatum. Et hunc arbitror fuisse casum huius c. quod Marcus ab Antonio patre suo Vicarius constitutus fuerit, illoque mortuus, quasi ius & titulus Vicariæ sibi competenter, recedere noluerit. Quod improbat Papa; quia si ecclesiæ Rector filium suum Vicarium perpetuum seu intitulatum faceret, tum ius beneficiale illi communicaret, ideoque filius quasi hereditariè succederet in iure patris.

Dices